



**Жансүгірова Алтынай,**

**№ 5 орта мектебінің 10 сынып оқушысы**

Астана- байтақ жердің кіндігі бұл,  
Астана- дарқан төрдің түндігі бұл  
Береке, мерекесі ортақ орда,  
Астана- жалпақ елдің бірлігі бұл.  
А. Асылбек.

Астана сөзі бүгінде әр қазақтың жүрегіне нұр себері хақ. Астана сөзін естігенде елендемейтін құлақ, жарқырамайтын жанар жоқ десе де болады. Неге дейсіз ғой?!...

Қазақ халқының тарихында бірнеше Астана болған. Ол Астаналардың тарихы, тағдыры өзгеше. Ал бүгінгі, жаңа қала, бағы жанған ару Астананың соқпағы сөз айтып жеткізердей емес. Бүгін ұйықтап, ертең тұрсаң, алдыңда күлімдеп арай тауымен сені шаттықтың, жастықтың жас қаласы қарсы алады. Көшеде сабылысқан адамдар, жан-жаққа жөңкілген көлік, мейірімді, сүйкімді кішкене бөбектерді көресің. Бәрі де бір асығыс іс, жаңалық жасауда. Біздің Астана сол жаңарудың, даналықтың қаласы деп мақтанышпен айта аламын.

Астананың өткеніне көз жүгіртсең...

Енді Астана!...

Есіл- Нұра тел емген қос өзеннің еркесі, Сарыарқада сан қала, бағы жанған серкесі.

Бөгенбайдай ұл туып, батыр да болған Ақмола! Үмбетейдей жыр туып, ақын да болған Ақмола! Саққұлақтай би туып, нақыл да болған Ақмола! Алыс- жақын бас қосып, ақын да болған Ақмола!

Арғы- бергі тарихы қазақ елінің қалың шежіресімен біте қайнасып жатқан қаланың өткеніне көз салсақ, алты Алашқа ежелден Қараөткел деген атпен мәшһүр болған. «Есілде-Қараөткел, Нұрада-Ақмола» деген қария сөзі соны аңғартады.

Міне, қойнауына осыншама сыр мен жер, әр тасы бір тарих ізін салып жатқан Есіл бойынан жаңа қаланың бой көтеруі құбылыс, дәстүрдегі жаңашылдық.

Ақын Әбу Сәрсенбаев кезінде:

Тағдырыңды тапсыр маған, туған жер,  
Көркейтуге міндеттімін мен сені-

[Введите текст]

деп жырлағандай, осы жыр әр қазақтың жүрегінде жатса керек. Сол қазақтың бірегейі, қайталанбас тұлғасы Елбасымыздың да міндеті- туған жерін көркейту. Елбасының елім, жерім деп соққан күретамыры, лүпілі мен асқақ арманы алысқа жетелеп, сұлу қаланың келбетіне кірпіш боп қаланып келеді. Көркем, ғажайып Астананың көркеюі- Елбасымыздың кейінгі ұрпаққа аманаты, салауаты.

Астана бейнесі-қауыз жарып келе жатқан көп гүлді, мол жапырақты өсімдік тәрізді, байтақ Сарыарқа төсіндей жеке-дара жап-жасыл жазира секілді. Астананың өзіне тән қайталанбас келбеті бар, ол- бай мәдениетіміздің, барлық халықтар мен ұлттардың достық ниеті дархан мінездерінің үйлесуінен түзілген ғажайып рухани қала. Сонымен қатар Қазақстан Республикасының әкімшілік орталығы, және де елорда тұрғындарымен қонақтарына жайлы тұрмысты қамтамасыз ететін тез даму үстіндегі қалалық инфрақұрылымы бар шаһар.

Астана-құрылыс нысандарының арқасында ғана емес, еліміздің Президенті және Қазақстан азаматтарының өзінің туған жерін жайнатуға, осы жерден бейбітшілік, келісім мен игілік жазирасын жасауға ұмтылған әлеуетінің арқасында астанаға айналды. Біз Астананың Есіл жағасындағы қала ретінде де, Қазақстан Республикасының астанасы ретінде де, бүгінгі күні едәуір сүйінішті макроэкономикалық көрсеткіштерге қол жеткізгеніне қуанамыз. Президентіміз Нұрсұлтан Назарбаев Әбішұлының шешімімен еліміз жаңа ғасырға қадам бастап келеді, әрі шикізаттық өндірушілік жақсарып, саяси, экономикалық, әлеуметтік құрылыс дамуда. Осының бәріне көп күш-жігер жұмсалды.

Сонымен қатар, Астана- бұл бүкіл қоғамның ереже-тәртібі мен салт-дәстүрі, мінез-қылық құрылымдары қалыптасатын жер. Астананың жаңаруының нышаны- оның көп ұлтты халқының жасампаз күш қуатының куәсі. Бұл соншалықты жеңіл болмады, бірақ халықтың өзінің гүлденген болашағына, ұрпағының келешегіне зор үмітпен қарауы елді одан әрі гүлдендірді. Қазір де қазақ елінің қамын ойлаған Президентіміз халқына арнап мектептер, аурухана мен зәулім ғимараттарды салуды әлі жалғастыруда.

Қала дегеніміз- материалдық болмыс қана емес. Қала дегеніміз- таң қалдырар, тамсандырар сән-салтанаты мен эстетикалық рухы бар өнер туындысы да.

Шығыстың заңғар ойшылы Шыңғыс Айтматов: «Қалалар- біздің өткеніміз, бүгінгіміз бен болашағымыз. Қаланың бейнесі мен тыныс тіршілігі адамның рухани болмыс- бітіміне тікелей ықпал етеді. Ол ұлт табиғатымен және мінез-құлқымен тығыз байланысты» деген екен. Ендеше, Астананың көрікті келбеті, қазақ халқының тұрмыс-тіршілігі, болмыс-бітімі, ұлттық сипаты.

Республиканың бас қаласының Астанаға ауысуының өзі Елбасының 2030 бағдарламасының нық қадаммен жүзеге асуының кепілі.

Қазақстан Республикасының бас қаласы Астананың келбеті күннен күнге көркейіп, халықаралық мерейі өсіп келеді. Оның Еуропалық үлгідей бой

[Введите текст]

көтерген әдемі, заңғар биік-биік үйлері көз тартады. Бұл қарыштаған қырандай Қазақстанның қарқынды дамуы.

Кеудесі өрке Есілмен көмкерілген,  
Астана- жайған кеме желкені кең.  
Іс ірі –алқабына тер төгілген  
Мүсіні көрінетін ертеңіммен,-

деген жыр жолдарында, шындықтың негізі жатыр. Ертеңгі ұрпақ елінің тарихын, қала көркінен мүсіндейтін болады.

1996 жылдан бастап құрылыс жүрді.

Еліміздің бас қаласы құрылыстарында өзіміздің он төрт облыс өкілдерінен басқа Түркияның, Польшаның, Албанияның, Жапонияның, Ресейдің кәсіби құрылысшылары, сәулетшілері келіп, әлемдік деңгейдегі ең әдемі де еңсели астаналар қатарына көтеруге үлес қосуда. Тәуелсіздікті тұғырына қондырып, байрағын бейбіт күнде желбіретіп, ел тізгінін түзу бағыт, татулықпен алып келе жатқан Президентіміз Нұрсұлтан Әбішұлы Назарбаевтың ақ жолы.

Айталық, алғашқы жылдары ірі құрылыстар «Самал» ықшам ауданы тұрғын үй құрылысынан басталса, кейіннен оның санын айтып жеткізу қиын. «Интер Континенталь» қонақ үйі, «Стратегиялық жоспарлау комитеті», «Еуразия университеті мен Ұлттық музей ғимараты» бәрі-бәрін түркиялық құрылыс компаниялары ат салысуымен бой көтерген.

«Министрлер кабинеті ғимараты», «Қазақстан Республикасының Президенті мен Үкімет аппараты әкімшілігінің басты ғимараты» барлық газет-журналдарда жарияланып, Қазақстан елін әлемге танытып отыр. Анау «Анкара» қонақ үйін айтыңыз...

Әсем қала мерейтойына орай ерлігі де, өрлігі де ұрпаққа өнеге болып жалғасқан қасиетті қазақ жерінің шежіресін паш етер, көңілі дархан, жаны жомарт қазақ елінің ұлылығын ұлықтайтын асқақтата, айбынды ажарлы Астананың «Қазақ елі» монументі бой көтерді. Тәуелсіздігіміздің символы-«Қазақ елі» монументі асқақтап тұр.

Астана -өнердің де өзгеше өркен жаяр Отаны болып табылады. «Конгресс Холл»сарайында өткен бар өнер жарысы да халықаралық деңгейде өтіп жатыр.

Астананы көрген сайын зор мақтаныш, қуаныш сезімі бойыма келеді де тұрады. Ол -менің Қазақстаным!

Қазақстан- осындай алып қазақ деген көштің бағыт-бағдары, жаңалық жаршысы! Астана-даналықтың ескерткіші, бар ұлттың, елдіктің қайнар көзі.

Мен Астанаммен мақтанамын! Өз кезегімде де менде Астананы көркейтуге ат салысамын!